

CENTRALNA BANKA
BOSNE I HERCEGOVINE

Broj: UV-150-01-1-1609-S /20 MM
Sarajevo, 09.08 2020. godine

Na osnovu člana 69. stav (2) tačka a) i člana 70. stav (4) i (6) Zakona o javnim nabavkama („Službeni glasnik BiH“, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (2), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, Upravno vijeće Centralne banke Bosne i Hercegovine na 10. sjednici od 29.07.2020. godine, donosi

O D L U K U

o poništenju postupka javne nabavke usluga – održavanje sistema grijanja – hlađenja, ventilacije i klimatizacije za lot 3, lot 5 i lot 7

Član 1.

Ovom odlukom poništava se postupak javne nabavke usluga održavanje sistema grijanja – hlađenja, ventilacije i klimatizacije po lotovima kako slijedi:

- a) lot 3 – usluge održavanje sistema grijanja u objektu Centralne banke Bosne i Hercegovine – Glavne jedinice Sarajevo
- b) lot 5 – usluge održavanje sistema grijanja i hlađenja u objektu Centralne banke Bosne i Hercegovine Filijale Brčko,
- c) lot 7 – usluge održavanje sistema grijanja i hlađenja u objektu Filijale Centralne banke Bosne i Hercegovine na Palama, iz razloga jer nije dostavljena nijedna ponuda u određenom krajnjem roku.

Član 2.

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za nabavke), Centralna banka Bosne i Hercegovine – Glavna jedinica Sarajevo (u daljem tekstu: Glavna jedinica Sarajevo), Odjeljenje za računovodstvo i finansije Centralnog ureda Centralne banke Bosne i Hercegovine Centralna banka Bosne i Hercegovine Filijala Brčko i Filijala Centralne banke Bosne i Hercegovine na Palama.

Član 3.

Ova odluka stupa na snagu danom donošenja

O b r a z l o ž e n j e

Postupak javne nabavke usluga održavanja sistema grijanja – hlađenja, ventilacije i klimatizacije za potrebe Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-1035-2/20 SAK od 27.03.2020. godine. Ukupna procijenjena vrijednost nabavke je iznosila 116.213,00 KM bez PDV-a, a postupak nabavke je podijeljen po lotovima kako slijedi:

- a) lot 1 – Održavanje sistema ventilacije u objektima Centralnog ureda Centralne banke Bosne i Hercegovine, procijenjene vrijednosti u iznosu od: 25.000,00 KM.
- b) lot 2 – Održavanje sistema hlađenja i ventilacije u objektu Centralne banke Bosne i Hercegovine – Glavna jedinica Sarajevo, procijenjene vrijednosti u iznosu od: 12.615,00 KM.
- c) lot 3 – Održavanje sistema grijanja u objektu Centralne banke Bosne i Hercegovine – Glavna jedinica Sarajevo, procijenjene vrijednosti u iznosu od: 12.000,00 KM.

- d) lot 4 – Održavanje sistema grijanja – hlađenja, ventilacije i klimatizacije u objektu Centralne banke Bosne i Hercegovine – Glavna jedinica Mostar, procijenjene vrijednosti u iznosu od: 26.000,00 KM.
- e) lot 5 – Održavanje sistema grijanja i hlađenja u objektu Centralne banke Bosne i Hercegovine Filijale Brčko, procijenjene vrijednosti u iznosu od: 13.675,00 KM.
- f) lot 6 – Održavanje sistema grijanja – hlađenja, ventilacije i klimatizacije u objektu Glavne banke Republike Srpske Centralne banke BiH, procijenjene vrijednosti u iznosu od 25.641,00 KM.
- g) lot 7 – Održavanje sistema grijanja i hlađenja u objektu Filijale Centralne banke Bosne i Hercegovine na Palama, procijenjene vrijednosti u iznosu od: 1.282,00 KM.

U skladu s tim, Centralna banka je 22.05.2020. godine na portalu Javnih nabavki objavila Obavještenje o nabavci broj: 1370-1-2-251-3-155/20.

U predviđenom roku za dostavljanje ponuda, do 08.06.2020. godine do 10.00, za lot 3, lot 5 i lot 7 nije dostavljena nijedna ponuda.

Iz navedenog razloga Komisija za provođenje postupka javne nabavke je u Zapisniku o pregledu i ocjeni ponuda broj: 149-15-4-1345-9/20 i Izvještaju o radu s preporukom broj, 149-15-4-1345-10/20, oba od 14.07.2020. godine, dala preporuku za donošenje odluke kao u dispozitivu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

**Predsjedavajući
Upravnog vijeća Centralne banke
Bosne i Hercegovine**



**GUVERNER
dr. Senad Softić**

Dostaviti:

- guverneru
- viceguvernerima
- Uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Glavna jedinica Sarajevo
- Centralna banka Bosne i Hercegovine Filijala Brčko
- Filijala Centralne banke Bosne i Hercegovine na Palama
- Odjeljenju za računovodstvo i finansije (original)
- Odjeljenju za javne nabavke (original)
- u spis predmeta (original)